



Broj:01/7-50-1-45/4/07

Sarajevo, 28.02.2007.

Z A P I S N I K

sa 4. sjednice Komisija za pripremu izbora Vijeća ministara BiH

Sjednica je održana dana 28.02.2007. godine sjednica je počela u 15,00 sati.

Sjednici su prisustvovali članovi Komisije: **Hadži Jovan Mitrović, Branko Dokić, Sefer Halilović, Mirko Okolić, Rifat Dolić, Jerko Ivanković Lijanović, Lazar Prodanović, Azra Alajbegović i Halid Genjac.**

Članovi Komisije **Zlatko Lagumdžija Jerko, Dragan Vrankić i Vinko Zorić** su najavili odsustvo.

Sjednici je prisustvovao Milan Zjajić, koji je obavljao poslove sekretara Komisije i Alma Tajić zaposlena u Sekretarijatu PS BiH i student stažista Ajdin Brčaninović.

Sjednica je završena u 18,00 sati.

Komisija je jednoglasno prihvatila u pozivu predloženi, sljedeći:

D N E V N I R E D :

1. Verifikacija Zapisnika sa treće sjednice održane 06., 07. i 08. februara 2007. godine;
2. Razmatranje podobnost i davanje mišljenja – preporuke za potvrđivanje zamjenika ministara u Vijeću ministra BiH;
3. Tekuća pitanja.

Ad. 1. Verifikacija Zapisnika sa treće sjednice održane 06., 07. i 08. februara 2007. godine;

Bez primjedbi, cijeneći da je sastavni dio Zapisnika i stenogram koji treba biti urađen, Komisija je jednoglasno usvojila Zapisnik sa treće sjednice.

Ad. 2. Razmatranje podobnost i davanje mišljenja – preporuke za potvrđivanje zamjenika ministara u Vijeću ministra BiH;

Prvi je pristupio **Veselin Poljašević, zamjenik ministra komunikacija i transporta.**

Nakon uvida u pristigle materijale, sprovedene rasprave i nakon što je imenovani zamjenik ministra odgovarao na pitanja članova Komisije.

Član Komisije Jerko Ivanković Lijanović pitao ga je šta on misli o postojećem Ugovoru o transportnim dozvolama, kao i šta on misli o transparentnosti dodjele dozvola za prevoz robe iz inostranstva u BiH?

Slijedeći je pitanje postavljao član Komisije Halid Genjac, koji ga je pitao da li će te obavijestiti PSBiH o CEMT dozvolama, i podnijeti Izvještaj o ovom pitanju Parlamentarnoj Skupštini BiH?

Mirko Okolić pitao ga je kako će se založiti kao Zamjenik ministra da gore pomenuti Izvještaj bude iznesen pred PSBiH, kao i rok u kojem će ovaj Izvještaj biti iznesen pred PSBiH?

Naredni član Komisije koji je pitanje postavljao je Lazar Prodanović koji ga je pitao kada će se izgraditi Koridor 5-C, kao i nadležnost za njegovu izgradnju, takođe, pitao ga je koliko će kilometara Koridora 5-C biti izgrađeno u periodu njegovog mandata od četiri godine, kao i kakva će biti njegova uloga u donošenju odluka koje se odnose na aktivnosti vezane za izgradnju Koridora 5-C? Član Komisije Lazar Prodanović, pitao ga je

još, da li će dopuniti svoj imovinski karton? (veselin Poljašević je dopunio svoj imovinski karton izjavom o štednji od 9.100,00 KM)

Član Komisije Rifat Dolić ga je pitao kakav je njegov plan rješavanja monopola u telekomunikacijama, kao i šta on misli čemu treba dati prednost državnom ili entitetskom interesu povodom ovog pitanja, i šta on misli o stanju željezničkog saobraćaja u BiH?

Slijedeći član Komisije koji mu je pitanje postavljao je Azra Alajbegović koja ga je pitala kakvo je stanje Koridora 5-C sa državnog aspekta, kao i sa entitetskog gledišta, te da li treba pitanje izgradnje Koridora 5-C riješavati putem koncesije, i možeš li odrediti neki bliži rok za izgradnju Koridota 5-C?

I/1. Komisija je većinom glasova, sa pet glasova "za", bez glasova "protiv" i dva "uzdržana", utvrdila da **Veselin Poljašević** ispunjava sve uslove propisane Zakonom o Vijeću ministara BiH i Poslovníkom Predstavničkog doma Parlamentarne skupštine BiH za imenovanje na funkciju zamjenika ministra komunikacija i transporta u Vijeću ministara BiH.

I/2. Komisija je preporučila Predstavničkom domu Parlamentarne skupštine Bosne i Hercegovine da potvrdi imenovanje **Veselina Poljaševića** za zamjenika ministra komunikacija i transporta u Vijeću ministara Bosne i Hercegovine.

Zatim je pristupio **Senad Šepić, zamjenik ministra civilnih poslova.**

Nakon uvida u pristigle materijale, sprovedene rasprave i nakon što je imenovani zamjenik ministra odgovarao na pitanja članova Komisije.

Član Komisije Rifat Dolić ga je pitao kako misli riješiti problem diskriminacije bivših pripadnika Vojske Autonomne pokrajine Zapadna Bosna, te koji je glavni razlog zašto nema zakonske regulative ove oblasti? Takođe, pitao ga je koji stepen obrazovanja ima, i čime misli nadomjestiti nedostatak iskustva iz oblasti kojom se namjerava baviti s obzirom na njegove godine života i kako to da je došlo do promjene odluke CIK-a kada je u pitanju njegov sukob interesa?

Azra Alajbegović pitala ga je da li su sazreli uslovi za formiranje ministarstva iz oblasti zdravstva, nauke i obrzovanja na nivo BiH, zna li koji su to osnovni principi-postulati Bolonjske deklaracije?

II/1. Komisija je većinom glasova, sa šest glasova "za", jednim glasom "protiv" i dva "uzdržana", utvrdila da **Senad Šepić** ispunjava sve uslove propisane Zakonom o Vijeću ministara BiH i Poslovníkom Predstavničkog doma Parlamentarne skupštine BiH za imenovanje na funkciju zamjenika ministra civilnih poslova u Vijeću ministara BiH. Protiv je glasao Rifet Dolić, koji je obrazlažući razloge takvog stava istakao kako smatra da je imenovani zamjenik ministra u sukobu interesa i da kandidatu za poziciju zamjenika ministra nije dovoljna "partijska škola".

II/2. Komisija je preporučila Predstavničkom domu Parlamentarne skupštine Bosne i Hercegovine da potvrdi imenovanje **Senada Šepića** za zamjenika ministra civilnih poslova u Vijeću ministara Bosne i Hercegovine.

Zatim je pristupio **Igor Crnadak, zamjenik ministra odbrane za politiku i planiranje.**

Nakon uvida u pristigle materijale, sprovedene rasprave i nakon što je imenovani zamjenik ministra odgovarao na pitanja članova Komisije.

Član Komisije Jerko Ivanković Lijanović pitao ga je da li su O.S.BiH spremne da odbrane državni suverenitet i teritorijalni integritet BiH ukoliko bi došlo do oružanog napada od strane neke susjedne zemlje, i šta misli da li BiH izdvaja previše novca za oblast odbrane?

Halid Genjac ga je upitao da li on procjenjuje da li ovo ministarstvo u ovom sastavu može BiH dovesti do članstva u NATO, da li ti kao budući zamjenik ministra može ubrzati taj put, putem unaprijeđenja odnosa sa ljudima iz sredine u kojoj djeluje?

III/1. Komisija je većinom glasova, sa sedam glasova "za", bez glasova "protiv" i dva "uzdržana", utvrdila da **Igor Crnadak** ispunjava sve uslove propisane Zakonom o Vijeću ministara BiH i Poslovníkom Predstavničkog doma Parlamentarne skupštine BiH za imenovanje na funkciju zamjenika ministra odbrane za politiku i planiranje u Vijeću ministara BiH.

III/2. Komisija je preporučila Predstavničkom domu Parlamentarne skupštine Bosne i Hercegovine da potvrdi imenovanje **Igora Crnadka** za zamjenika ministra odbrane za politiku i planiranje u Vijeću ministara Bosne i Hercegovine.

Cijeneći navedeno, Komisija je konstatovala da su svi imenovani zamjenici ministara u Vijeću ministara BiH dobili podršku za imenovanje i predložila je Predstavničkom domu da potvrdi njihovo imenovanje čime bi se stekli svi uslovi da preuzmu dužnost.

Za izvjestioca na sjednici Predstavničkog doma imenuje se predsjedavajući Komisije Halid Genjac.

Ad. 3. Tekuća pitanja.

Kako nije bilo drugih pitanja predsjedavajući je u 18,00 sati zaključio sjednicu.

Napomena: Sastavni dio ovog Zapisnika je i neautorizovani transkript koji sačinjava Zajednička služba PS BiH.

SEKRETAR KOMISIJE
Milan Zjajić

PREDSJEDAVAJUĆI KOMISIJE
Halid Genjac